



Ассаламу аьлайкум, дустал

ХХЯХХА БАРГЪ

Лакрал райондалул кказит. Ига бакълай 97-сса шин.

12+

«ЗАРЯ»

Нюжмар
15 май
2020 ш.

№21

www.zaria-online.ru
gazetazary@mail.ru

Мудан дак1ний лич1ант1иссар!

Жула райондалийгу Ххувшаврин 75 шин бартлаглагис-са кьини дурунни му тарихран хасъсса давуртту.

Гьайкалч1а шалкри бив-хьунни райондалийсса ци-



Райондалул бак1чи Ю.Мах1аммадовул Лакрал ва Ккуллал район-нал военный комиссар Г.Массуевлуштал т1ут1ал шалкка бивхьунни 1941-1945 шиннарди Бутгал к1анттул ц1анисса Хьун дяввилий жанну харж дурминнан Гъумук дац1ан дурсса гьайкал-дануч1а.

Ва ишираву, санитария-лул шарт1ругу дурурчуну, миннашал гьуртту хьунни халкъуннал образованиелул управлениелий каялуш-иву дуллалисса Я.Х1амзаев, «Ххяххабаргъ» ккази-трал хьунама редактор М.Мусалаев ва оьрч1ал ис-кусствордал школалул ди-ректор М.Хьунбуттаев.

няр шяраваллаву, мукунма маскардугу, кат1ригу ларх-хун, вирусрая буруччинсса шарт1ру биттур дурну.

Тач1ав хьама кьаби-тант1иссар Ватан дурч-лай жанну харж дурми-гу, сагъну дяввилия зана хьумигу миннал насл-лун, Аьрасатнал циняв халкъуннан!

15 май - Миллатрал дянивсса кулпатрал кьини

Кулпат-жяматрал агьамсса бут1а

«Кулпатрал кьини» т1исса тарих баян бувну бур ООН-далул Генеральный Ассамблеялул 1993 шинал. Мунил мурад бивк1ун бур-жяматрал агьаммур бут1а кулпат бушиву цинянан бувч1ин баву.

ООН-далул баян бувсса цайми байрамру, кьинирду кунна, ва кьини баян баву ишла дан аьркинну бур, кулпатрайн ба-гьайсса масъалардая ххуйну к1ул баншиврул.

Ч1явусса билаятирттай майрал 15-нний дай лич1и-лич1исса концертру, спортрал бяст-ччаллу ва цайми давуртту. Хасъсса идарарттай бай семинарду, конференциярду, теле-визорданувух передачарду итадакбай, кулпатрал агьамши-ву, мунин санд дусса шарт1ру щаллу дан аьркиншиву бус-ласисса.



1996 шиная байбивхьуну, ООН-далул гьарца шинал баян бай»Кулпатрал кьинилул» тема. Мукун цинянал кьулагъ-ас дуллал бай цания ца темалух. Га 1996 шинал кьулагъас дурган дурна, масалдаран, мискиншиврул, яхъанансса кьа-три дакъашиврул темалух. Гания шихуннай му кьини кьу-лагъасралун ларсусса темарду хьунни: инвалидшиву, кул-патраву бугъара шаву, буттахъал ва ниттихъал бяла, оьрч1ал ва душварал ихтиярду арх1алсса диклаву, оьрму ц1улу-сагъну бутлан аьркиншиву, инсантал ца к1аная ца-мур к1анайн бизлазаврил, куч хъанахъаврил асар ва м.ц. ч1ярусса темарду.

Вара кьини к1иц1агай Миллатирттал дянивсса гьавалул тагьарданул кьинигу. Мунин бувну, гьашинусса кулпатрал кьинилул тема ларсун дур к1ивагу масъалалин дагьайсса-»Кулпатру ва гьавалул тагьар даххана шавриштал таланс-са ххуллурду». Амма, ООН-далул сайтрай бувч1ин бувну бакъар, му тема балжину ссайн дагьлагьиссарив: мукунсса талатавиву кулпатру гьуртту шаврийн, кулпатру ххуйну яхъанахъавриву экологиялул шарт1урдил агьамшиврийн ягу цайми масъалардайн.

ООН мукунма к1иц1аглай бур, лич1и-лич1исса билаятирттай»миллатирттал» кулпатрал кьинирду к1иц1-лагаврил чулгу бувгъуну бушиву цивпа. Цанчирча, мунил-гу кумаг буллай бунут1ий агьамсса масъаларду ххалбигьин.

Юбилейрал медаллу дуллунни



Райондалий хьун-ни Ххувшаврин 75 шин шаврин хасъ-сса цамур давугу.

«Бутгал к1ант-тул ц1анисса Хьун дяввилий Ххувша-ву ларсун 75 шин» т1исса, юбилейран хасъсса медаллу дан дурну, ми тапшур дунни дяввилул шиннарди кьинт-туллух зах1мат бихълай, фронтран аьркинмур щаллу дуллай бивк1сса бугъарасса зах1мат-читуран. Жула шя-раваллаву мукунми уттигу бур.

Миннал дурсса чувшиву, бивхьусса зах1мат жагьилмин-нан эбратну хьун ва тач1ав хьама кьаби-тан аьркинссар.

Инсантуран кумагран лавсъсса ххуллурду

Больничный листрай дулайсса арцу

Ккаккан дурну дур къашавай хъуминнан больничный листрай дулайсса арцул х1сав-ккал дайсса хасъсса низам. Ми арцул лагру зузминнан булайсса яла ч1ивисса харжирал лагрунир чансса дик1ан къабюхъайссар - 12130 къруш зуруй.

3 шинавун бияннинсса оърч1ан

Гьарца зуруй 5000 къруш дулун ккаккан бувну бур 3 шинавун бияннинсса оърч1ан, кулпатравун дук1лак1исса арцул лагрулукъабурвугун.

3 шинава 7 шинавун бияннинсса оърч1ан

Ляхълахъимур хъуни дакъасса дусса кулпатирттавусса 3 шинава 7 шинавун бияннинсса оърч1ан дулайсса арцу ита-дакълай байбишинт1ий бур ца зурул хъхъич1 - июндалий (хъхъич1 буссия июльданий байбишин ччай). Ца оърч1ансса му пособиелул лагру дик1ант1ий дур - оърму бутаншиврул аьркин хъанахъисса яла чансса арцул региондалул лагрулукъ 50%. Билятрай дянивну ларсун, ми хъанай дур 5500 къруш. Лич1и-лич1исса регионай - миннуял чанну ягу ххишалану дик1ант1иссар.

Медициналул зузалтран

COVID-19 азар дирну къашавайминнашал зузисса медициналул зузалтран дулунт1ий дур хасъсса арцу: х1акинтуран - 80 азара къруш зуруй, медсестрахъан - 50 азара къруш зуруй, ялавайми медициналул зузалтран - 25 азара къруш.

Даву дакъа ливч1миннансса пособие

2020 шинал мартрал 1ния махъ давурттая букъан бувну, гъан бувну, даву дакъа ливч1мину ккалли бувсса инсантуран апрель-июнь зурдардий пособие булунт1иссар яла хъунмур лагрулий - 12130 къруш.

Кредитирттал каникуллу

Ипотечный (къатри машин ласун) ягу потребительский (цанма аьркинсса иширан) ларсъсса кредиту дусса инсаннаща бюхъант1иссар ми кредиту лахъан дулайсса арцу лахълахъаву ряхва зуруйн дияннинсса ч1умуйсса махънин дутан, агар мунал ляхълахъимур 30%раял ва муниял ххишала чан хъурча.

Манзилданий даву лякъаву

Даву дакъа ливч1ману учетрай ишинсса аьрза булун ва даву дакъа ливч1манансса пособие щаллу бан бюхъайссар «Работа в России» т1исса порталданийхч1ин, аьркин дакъасса справкардугу диян къадуллайна, цала дах1аву дурну.

Шяраваллил бак1чи лаизлай ур

Ссалам алайкум х1урмат бусса шяравучувтал! На К1амахъаллал шяраваллил советрал председатель х1саврай лаизлай ура (обращаюсь) циняв Ппалассуннал, К1амахъаллал, Сангардал шяраваллаву ялапар хъанахъисса агъалинай, буруккин бара т1ий гьарцаннал зула-зула оърмурду сахла баврил, буруччаврил.

Инсантал ц1уц1аврил бугълай, гьарца к1анттайн къувт1уну най дур корона-вирусрал инфекция. Биал хъанай бакъар больницардай къашайшалт утту бишин бансса таху, х1акинтал дяхттагу-хъхъувайгу бац1аву дакъа зий, х1алдания лавгун бур.

Коронавирусрал пандемиялул баххана бунни шагърурдайсса, шяраваллавусса агъалинал оърмурду. Х1акынусса кьини жула цинянал бурж - хъунма хъуну нанисса ва бала бац1ан бансса ххуллурду ласаву. Шяраваллаву ялапар хъанахъисса

халкъ укунмагу чан хъуну бур, бачи къанкъану ви-ч1и дихъланнуча х1акинтурал т1ут1имуних, маслих1атиртта.

Гъай-гъай, шикку Аллагънал бияла хъунманугу, жувагу тач1ав бакъач1ин лич1лудну бик1ан багълагъиссару, буруччин аьркинссар жула нитти-буттахъул, оърч1ру. Циняв цац1уну зурчари корона-вирусрал инфекция чяни дац1ан дан хъунт1исса.

Зун ххуймур ч1ат1исса Руслан Сулайманов, Камахъаллал шяраваллил советрал бак1чи.

Партизаншивугу, ясиршивугу дурх1уну, Берлиннайн ивссар

Арчилаев Шамил Буттал арс увну ур 1916 шинал майрал 1ний Дуч1ив. Ганал ппу ивк1ун ур х1алт1илухун гъайсса саняткар, ч1ярусса шинну Гуржиянаву зий, яхъанай дурса.


Шамиллул оьрч1шивугу Ттуплислив ларгун дур, школайгу цалчинмий классирттаву тийхва дуклай ивк1ун ур. 1931 шинал т1урча, байбихъулукъ школагу бувккуну, дуклан увххун ур Ростоврайсса политехни-

19нийрив цала к1ия гъалмагъ-чувнашал немецнал ясир увну ур. Гай гъан бувну бур ясир бувминнал концлагерьданийн Баргъбуккавал Пруссиянавун.

Оьмаров Арчилай т1исса ц1анилу Шамиллуца бюхъуну бур лагерьданий

буслай ик1айва т1ар, генералиссимус И.Сталиннул, трибуналия увч1ун, ччаннах ккуччу бувсса куцъ шяв бивчусса фашистурал ттугъру.

1946 шинал га зун ивк1ун ур Дагъусттаннак пединститутрал таварихрал кафедралий. Га пединституттрай яла бувсса Дагъусттаннал паччах-лугърал В.И.Лениннул ц1анисса университет. Му вузраву



кумравун. Та къртал байхту, увххун ур Дагъусттаннал педагогикалул институтрал таварихрал факультетрайн. 1938 шинал, пединститутгу бувккуну, зун ивк1ун ур Дербентрайсса педагогикалул училищелулу, таварихрал ва конституциялул дарсру дихълай.

1939 шинал Ш.Арчилаев, педагогшивугу къадиртуну, хушрай цува лавгун ур Совет Аьралуннавун, гьуртту хъуну ур Финляндиянашалсса даявилулу.

Буттал к1анттул ц1анисса Хъун даяви байбихъайхту, Шамил ивк1ун ур Совет Аьралуннаву Литванаву 84мур мотострелковий дивизиялул батареялул политрукну. Га усса часть 1941 шинал июльданул 25ний Ухссавнил Белоруссиянаву, душмантурал лагма дургъуну, ппив хъуну дур. Арчилаевлул каялушиву дуллаисса батальон партизаншиву дулан бивк1ун бур, ламурду, муххал ххуллурду п1якъ учин буллай, немецнал къинттулукъ талай. Ноябрьданул

къюлт1ну зузисса жула инсантурашал дах1аву дан ва миннал тапшур бувмур биттур буллай ивк1ун ур. К1ийла х1арачат бувну бивк1ун бур лихъангу, амма немецнал, ккаччашал хъирив багъну, к1ийлагу увгъуну ур. Шамулчин ливхъуний т1айлабац1у хъуну, га агъну ур партизантурач1ан. Минна-ч1атугу махъунай аьралуннавун зана хъуну ур.

Ш.Арчилаев гьуртту хъуну ур совет аьралуннал Севастополь шагъру тархъан буллалисса талатавурттаву. Гания махъ Висла-Одер нехардиц1ухъсса ва Берлин ласласисса операциярдаву. Берлиннач1а ганайн зах1матсса шаву дирну дур. 1945 шинал майрал 9ний Берлиннал госпитальданий ганан операция бувну, куямур ка къркъуну дур. Хъингу хъуну, Германиянава шавай занаивк1ун нани ххуллий, Шамиллун ккарккун дур Московлив Ят1ул майданив дуллаисса Ххувшаврил Парадгу. Махъ га ч1явуну

зий Шамил Арчилаевлул дурну дур 40ния лирчусса шинну, 1987 шинал ва дунияллия гъаннин. Европанал, Азиянал ц1усса таварихра, дунияллул халкъуннал дянивсса коммунистурал миллатру тархъан буллалисса суккушиннардая ганал бувккусса хъинну ххуйсса лекциярду студенттуран дак1ний лич1айсса бивк1ун бур. Ми лекциярду ганал буккайсса бивк1ун бур КПССрал ЦКлук1асса Лаваймур партшколайгу.

Студенттуран га хъинну ххирая ва х1урматрай ик1айва, цала пиша ххуйну к1улсса, дух1ин дусса, инсаншиву дусса унут1ий. 50ку, 60ку шиннардийсса совет пропагандалул асарданингу тач1ав къалавгун, т1айлашиву дуручайсса ия. Элмурдал кандидат хъунсса диссертациягу чирчун х1адур дурну, га дуруччин цува къалавгуна. Цанчирча, га ч1умал мукунсса давурттаву т1алав байва Хрущевлул укусса махъру х1ала буллан, ганал т1ий ивк1мур т1айлашиврий ккаккан буллан. Дяввийлигу ивк1сса коммунист, Сталиннуйн дак1 т1айласса ганан му хъинну къюкбаласса, къадарсса къел кунна ч1алай дия. Мунияту, ганал чирчусса диссертациягу ялун къалирчунна лирч1уна.

Ганач1а дуклай бивк1сса студенттуран га оьрмулукун барчаллагърай дак1нийн утай. Муниял хъуннасса бахшиш аьлимчуннан, муаьлимнан ци дик1ан бюхъайссар.

Жанна Абуева



Хъама къабивтссар!

Щардал школалул ва шярваллил администрациялул Ххувшаврил байрамрал къини цачлу, коронавирал инфекциялий буруччинсса шартругу биттур дурну, шярвусса инсанталгу къабавтлуну, тлутлал шалкка бивхъунни дяввилия зана къабивтссар цала шярвучувтуран дацлан дурсса гъайкалданучла.



Ххувшаврил байрам Ккурклив

Гъарца шиналгу Ккурккулал жяматрал цала шярвучувну асар хъунну, шадлугърал тагъарданилу, ххуйну хладур хъуну дайва Ххувшаврил байрам. Гъашинугу хъиннува чялишну сукку хъуну бия му байрам цил багъайкун тлайла дуккан.



Ва даврий каялушиву дуву, сакиншинначи, «Бивклу бакъа полк» цачлава чянива бачин бувсса шярваллил патриот Даниял Магъдиевлун хъиннура бюхттулну дан ччай бия Хъундяввилий Ххувшаву ларсур 75 шин шаврил юбилей. Цибанссар, ялун бивсса балалул ласука бухлан бувну личлан буллау бур дуняллулва халкъ.

Цибухъурчагу, члявучи къабатирчагу члумул тлавшинну дурурччуну, ко-

ронавирал инфекциялия буруччинсса шартругу сакин дурну тлайла дурккунни Ххувшаврил байрам гъашинугу Ккурклив.

57лагу Дяввилул вирттал - Ккурккулал чиваркуннал цларду чирчусса Ятлул ттугъ лагма буккан бунни дяввилия зана къабивтссар миннан дацлан дурсса гъайкалданул, зумух ларсунни 57лагу абадлий дакний личлансса цларду. Дурунни личли-личлисса члаулавуртту.

(Жул кор.)

МВДул Лакрал МО

Единый портал данийхчин паччахлугърал щаллу дайсса тлавшин дучлан даврил къулайшиннардуну

Паччахлугърал щаллу даймур тлавдансса аьрза булун бюхъайссар, шаппату къабувккунма! Мукунсса аьрза чичин (буцлин бан) ва гъан бан шайссар винна сант дусса ччимур члумал, хъхъу, къини личли дакъа, бигъалагай къинирдайгу, байраннал къинирдайгу.

Миграциялул (куч шаврил, яхъанансса клану баххана баврил) масъалартталсса байсса кланайн гъан багъантлссар анжагъ цал, ккаккан дурсса члумал. Ва куклушинна къадагъайссар так Аьрасатнал Федерациялул гражданинал цлусса журалул дазул къатлаллил паспорт щаллу баврийн. Му члумал паспорт ласайсса кланайн гъан ба-

гъайссар кийла: цал - хасъсса журалул сурат рищун, килчингу - хладурсса паспорт ласун.

Аьрза тлайлану буцлин бан кумаг байссар (тлайлану буцлин баву ххал дан, му ххал-бигълагъисса щачланттуя, ссайн бивну буссарив баян бан).

Электронный журалий аьрза буллусса инсантал ирглий бацлан къабувну, хъхъичи цла чичин къабувну, ккаккан дурсса личлисса члумуй ягу хасну ккаккан дурсса члумуй къамул байссар.

С.М.Аьлибекова,

МВДул Лакрал МОрал инспектор,
полициялул лаваймур лейтенант.

Захлатсса члумалли клул шайсса

Лакрал учала буссар: «Инсан клул шайсса захлатсса члумалли, чу-хяххан байхтури», - тлссса. Лакрал аьрщарайгу чансса бакъар ва захлатсса члумал клул хъусса лайкъсса инсантал.

Райондалунгу, цала шярваллингу кумагру байсса Салихл Хлажиевлул каялушиву дуллалисса «Ккурккул» тлссса фондрал Лакрал райондалул больницалун гъан дурну, дурккунни хлакитал азардания буруччин лахайсса 60 костюм. Миннуву дур: костюму, чакмарду, маскарду ва катри. Мунала тлав бувну бур больницалун гъан бансса ИВЛ аппа-

ратурагу гуттурду марцл байсса (искусственной вентиляции легких).

Республикалул Халкъуннал Собраниелул депутат Жаьпар Абуевлул кумаг бувнни 300 цала шарьвучувнан ва райондалийминнан.

Дагъусттаннал Хлукуматрал Председательнал цалчинма заместитель Хлажи-Махлмаммад Хлусайновлул гъан бувнни цала шярвусса

инсантуран (Гъунчлукъатли) дуки-хлачиялул кумаг.

Сургут шагърулийсса «Медсервис» тлссса компаниялий каялушиву дуллалисса Альбина Хласановал Чарттал жяматран гъан бувну, бувккунни члявусса даруртту ва медициналул иширттаву аьркин шайсса материаллу.

Аллагънал барачат бишиннав захлатсса члумал цала улклуйсса инсантуран чларав бацлацлссса вай лайкъсса инсантурай!

Хьул бишинну, укун цала аьрщарайчувтуран кумаг буллалими гихунмайгу чан къахъуншиврийн.

Юбилейрал медаллу дуллунни



Учредитель:

Администрация
МР «Лакский район».
Учредитель:
«Лакрал район»
МР-далул
администрация

Главный редактор

М. М. Мусалаев

Ответственный секретарь

К. М. Курбанов

Корреспондент

К. М. Курбанов

Опер. комп. набора

Р. И. Джалаева

Тех. редактор

А. М.-Р. Абакаров

Адрес редакции, издателя:

368360, Республика
Дагестан, Лакский район,
с. Кумух, ул.
Сурхайхана-1, 96

Газета набрана

и сверстана на
компьютерной базе
редакции газеты «Заря»
и отпечатана в ГАУРД
«Издательский дом»
«Дагестан»

Адрес:

г. Махачкала,
пр. Насрутдинова, 61.

Срок подписания

в печать 17.00
Подписано в 16.00

Газета выходит

в неделю 1 раз.
Тираж 742 экз.
Цена свободная.

Газета зарегистрирована

Управлением
Федеральной службы
по надзору в сфере
связи, информационных
технологий и массовых
коммуникаций по
Республике Дагестан от
22 августа 2017 г.

**Регистрационный
ПИ № ТУ05-00385**

*Позиция редакции
может не совпадать
с точкой зрения
авторов, которые несут
ответственность
за достоверность
представленных для
публикации материалов.*

Акция «Ви́ла инава уруччу»

Райондалий най дур «Ви́ла инава вирусрая уруччу, маска ларххун заназу» тIисса акция.

рус лахъаврия буруччинса затру. Райондалийсса блок-постирдайн бувккун, миннал дачIай машинар-



Коронавирусрал инфекция ппив хьун къадитансса оперативный штабрай каялушиву дуллалисса райондалул бакIчи Ю.МахIаммадовул тапшур бувну, райондалийсса волонтертал (хушрай му даву дуллан чялиш бувкми), дачIай бур инсантал ви-

ду бачин буллалиминнангу, къатIух заназиминнангу медициналул маскарду.

Жула райондалий ттигу дуручлай буссар самоизоляциялул (цала цивппа буруччаврил) низам. «Маска ларххун заназу» тIисса акция уттиния тихуннайгу дуллан-тIиссар.

Рамазан барз

Къадрилул хьхьу

Зума дугъайни, Идавсил (с.авс.) ряхра шартI дуручайсса диркIун дур: дукра дукаву чани хъя чайсса чIумучIан бюхъайсса ксса гъан даву; зума ритаван бюхъайсса ксса анаварну, маркIачIан чак баннин чассаг бувкуну ягу щин хIарчIуну; ахтгайн бивзун махъ ккарччив, синтту марцI дайсса тIама (мисвак) ишла къадаву; рамазан зурул даража лавайсса бухъукун, му зуруй чумартшиву дуллалаву; Къуран ккалаккаву ягу муних вичIидихълахъаву; мизитраву «иттикъаф» дуллалаву, хаснува - зурул махъсса ацIва гъантлий.

Махъсса ацIва гъантта Идавиштал (с.авс.) ца-букIлакIини, ганал цала шану бавхIуну бишайсса, мухIлу чIувин дайсса ва эбадатру давриву хIарачат байсса бивкIун бур. Мукунма байсса бивкIун бур ганал гъан-маччаминналгу. Цанчирча, махъсса ацIва гъантлий дучIайсса дунутIий Аллагънал инсангуран ликкан дайсса хасъсса пишкеш - Лайлат ал-къадрилул хьхьу (БучIантIимур кIул байсса хьхьу). Му ликкан яла бюхъайми гъантри хъанай бусса бур чут бакъами, миннуватугу - 21, 23, 25, 27ми гъантри.

Иттикъаф дурну хъинссар дяличIан къадурну, ацIва-гу гъантлий. Аьркиншиву дакъа мизитрава уккарча, иттакъар дяличIайссар. БучIиссар мизитрава буккан, мисалдаран, къашавайманал ялун иян, судрай барашинна дан гъан, ивкIусса инсан уччин гъан, чаклин иссун, «къатIув уккаву» дан ва мунил хъирив шава чаклин иссун. Яла цайми иширтгалсса буллай къахъинссар.

Идавиштал (с.авс.) ца-чIу бивкIиминнал буслай, иттикъафрал гъантрай га мизитрава къауккайва тIар, «къатIув уккаву» дан акт-асса. Къашавайминнаятугу цIуххайсса бивкIун бур, най унува.

Лайлат ал-Къадрилул хьхьу цумур хьхьуну дикIайссарив Аллагънал къюлтI баву - КIанал лагътуран, мусулмантуран хъинбала баву хъанахъиссар. Цанчирча, му хьхьу эбадатру дуллай гъан дан ччиманан багълай бур Рамазан зурул циняр хьхьурду ягу махъсса ацIрагу хьхьу эбадатру дуллай дутан. Рамазан зуруй бувмунил чири хъинну чIяву шайсса бухъукун, хьхьурду чIярусса ут-тара дурну, эбадатру чIяру хьхьуну, мусулманчунвансса чири хъинну чIяву хъанахъиссар.

Лайлат ал-Къадрилул хьхьунил лишанну гъарцаннан ххал къашайсса дур. Ми кIул шайсса дур анжагъ лавайсса даражалийн бивсса муьминтуран. Вайми цинянал тIурча хIарачат бан

Джалаева Басират Къурваннул душ



Нанисса шинал май зурул 11ний, обрмулул 51 шинаву ахиратлу-вун лавгунни «Лакрал район» МРданул администрациялул шярваллил хозяйство-лул ва экономикалул отделданул хъунмур специалист Джалаева Басират Къурваннул душ. Басират Джалаева бувну бур 1969 шинал ШавкIуллал шяраву.

Басиратлул щала захIматрал обрму хас бувну бия шярваллил хозяйстволуха зузаврин. 2005 шиная шихунмай шярваллил хозяйстволулу зий, цила цуппа ккаккан бунни грамотныйсса, цила даву ххуйну кIулсса специалист бушиву.

Ванил лайкъсса бутIа бивхъуссар райондалул шярваллил хозяйство хьхьичIуннай дан.

ДавричIансса жаваблувшиндарал, цицала зузиминахсса къулагъасрал гъаз байва ваничIансса хIурмат, авторитет. Ва бусравну бия цуппа зузисса коллективраву бакъассагу, райондалул идарарттал, организациярдал коллективирдаву. Басират хьхьичI ххуттаву шайва райондалий дуллалисса мюнпатсса давурттай. Царагу жяматраву агъамшиву дусса даву къашайва ва гьуртту къавхъусса.

Жула дянива лавгунни ххуйсса дувс, гьунар бусса зузала, итххяхъсса сакиншинначи, дакI хъинсса инсан.

Жижара буллай, хъуннасса къурчIишиву кли-дачIлай буру Басиратлул уссур-ссуннашал, гъан-маччаминнашал.

Басиратлул чаннасса симан ва бусравсса цIа жул да-кIурдива тачIав къагъантIиссар.

Райондалул общественностьрал ва администрациялул цIания Ю.ХI.МахIаммадов, «Лакрал район» МРданул бакIчи.

«Лакрал район» МРданул администрациялул щалагу коллективрал, депутатътурал Собраниелул, жяматийсса организациярдал чулуха жижара буллай буру райондалул бакIчи Юсуп МахIаммадовлухъ, мунал уссурварахъ, ссурварахъ, мачча-ляхъиндалухъ авъизисса нину **ХХАДИЖА** жуятува гъаврин бувну. Цин Алжан ня-сив баннав! Гъав нурданул дуцIиннав!

аьркинссар, лишанну цанна кIул къахъурчагу, му хьхьу эбадатру дуллай дутан: суннат чакру буллай, Къуран ккалай, зикри бихълай, ва дунияллийгу, тамур дунияллийгу Аллагънахъ цанма, мачча-гъанминнан РахIму ва ЦIими чIа тIий...

МухIаммад идавсил (с.ав. в.) му хьхьуну дуккайсса диркIун дур укунсса дуаь: **«Я, Аллагъ, Ина РахIму бусса, ЦIими бишайсса, Ялтту учIайсса ура. Вин ххирар ялтту учIлан. Ттул ялттугу учIукъай, ЦIимилул Заллуй».**

Лайлат ал-Къадрилул хьхьунури Къуран ливксса лувра лувмур ссавнийн. Яла 23 шинал мутталий гъарца аьркин хъусса иширан хасну, бутIри-бутIри ликлай бивкIссар аьрщарайн.

Зума дургъусса чIумал дяхтта шанай лахъи лавгун къахъинссар, ккашигу, мяк-гу, хIал ласавугу щуркIал хьуншиврул. Му чIумалли

дакI марцI дурккун, гъарца хьхьуну гъавасру хIура буклан бикIайсса, хьхьувайсса суннат чакру бангума бигъа хъанан бикIайсса. Му чIумалли дакIнил лагма букла-кисса щяйтIан хIалдания лавгун, дакI кIурадаяйсса ссаврунайсса къюлтIсса

Малакут паччахIлугърайн. Лайлат ал-Къадрилул хьхьу хъанахъиссар кIа Малакут паччахIлугърал къюлтIсса кIулшивуртту аьч шайсса хьхьу. Муна муниятури бус-ласисса «Ал-Къадр» тIисса Къурандалул суралул цал-чинмур аятрай: (мяъна) **«ХIакъссар, На ликкан бав му (Къуран) Къадрилул хьхьуну».**

Мунил бувну, Лайлат ал-Къадрилул хьхьу хъанахъиссар ва дуниял ссаврунай-мунишал цацIун дуллалисса, Къуран ликлай байбивхъусса, инсаниятрал обрмулуву яла хъунмур, агъаммур иш хъусса хьхьу.

Кь.Къурбанов